


佛說喜菩薩瓔珞經

第一

百七十六

忘一

48521



元祿九年丙子二月日重脩

皇圖萬固 帝階級昌

佛日增輝 懋合輪常轉

山城州天安寺法金剛院置

法華經
卷之...

法華經

佛說菩薩瓔珞經卷第一

姚秦涼州沙門三藏竺佛念譯

忘

菩薩瓔珞普稱品第一 一名現在報

聞如是一時佛在摩竭界普勝講堂與大比丘衆俱比丘十千菩薩萬五千人一切大聖靡不雲集諸德具足不捨揔持其志弘普無

所不苞辯才通達除去疑網遊其神通解說深義以權方便適化隨宜慈及下劣得至彼岸宣暢如來三昧正受諸佛嗟歎天人所敬所願自在而無罣礙普遊殊勝奇特之域神足變化衆相具足降伏衆魔曉了法慧分別諸法深知本際觀察衆生昔所根源演暢道

品空無相願於世八事而無染著加以大慈
救濟衆生護身口意無有邪見志崇精進心
若金剛雖執勤勞於無數劫心恒勇猛無有
厭倦在諸大衆現師子威降伏異學今不有
退以聖勅号而印可之諸佛遊處悉皆履行
皆是正覺之所修行嚴淨道場巍巍無量若
行若坐入無底慧心恒悅豫亦無怯弱所講
演法平等無二以成未成視如同類功稱名
訓常得自在修深法要訓以道教若在大衆
威相光輝神智妙達不可稱計彈指之頃遊
於無量諸佛國土供養十方諸正覺等其名
曰歡曜菩薩山雷菩薩慧密菩薩普明菩薩

濟彼菩薩揔持菩薩金剛菩薩石磨王菩薩
雷震菩薩雨滴菩薩善筭菩薩智積菩薩法
上菩薩息意菩薩除幻菩薩善稱菩薩虛空
藏菩薩威力菩薩炎光菩薩識機菩薩盡慧
菩薩無邊際菩薩堅固志菩薩月光菩薩法
熾菩薩無見菩薩無等菩薩日盛明菩薩如
是十方諸佛世界衆菩薩等普來雲集詣忍
世界欲聽如來說法瓔珞大智根門趣菩薩
藏不可思議權現無量及賢劫中弥勒軟首
十六大聖毘陀耆等八大神王帝釋四天王
與忉利天人俱炎天兜術天不憍樂天化自
在天魔子導師梵天王梵淨天王善梵天王

梵具足天王大神妙天淨居天離垢光天上
至一善住天燕居天善神及諸樹神山神金
翅鳥神及餘一切諸大尊神一一尊復尊
及諸天龍鬼神阿須倫迦留羅真陀羅摩休
勒人及非人等各與眷屬來詣佛所稽首畢
而立侍焉比丘比丘尼清信士清信女各自
修敬前爲佛作禮各坐一面尔時世尊與若
千百千之衆營從圍遶佛昇嚴淨高廣師子
之座與諸大衆說法瓔珞佛在衆中如須弥山
晃若金積威神光明超世無雙道德威儀巍
巍無量放大光明靡所不照復以神變感動
十方應時空中尋有百千寶玳珞蓋衆珍雜

廁遍覆其上無價寶珠照虛空珠懸處空中
光從珠出色像無比於其空中而興微雲雨
諸香華時空中華積至于膝復出大音遍滿
世界時有菩薩名曰普照承佛聖旨即從座
起長跪叉手前白佛言今所神感未曾見聞
此何瑞應乃至於斯唯願大聖敷演其義使
諸會者永無狐疑佛告普照還復汝座吾當
與汝一一分別法瓔珞義修立根門超越妄
想近一切智諸通慧地尔時世尊復以神足
觀諸菩薩所入定意其法名曰道樹瓔珞淨
諸大士莊嚴道場覺道正法而無所畏遊諸
聖慧而得自在所入道門不失辯才復以神

通瓔珞其座演暢分別不退轉地解一法界
空無所有觀察衆生利鈍之性堅固其心決
一切法除去塵勞隨順法要所言信用無所
深著應對無疑來往發遣說無礙智永離縛
著積功累德不懷希望所說諸法真如審諦
不計有爲當有成辦想則無想爲興想爲曉
了深妙十二緣起尋究根原而不可限是時
普照菩薩復從座起前白佛言願欲所問惟
敢聽者乃自宣陳佛言善哉在所欲問若有
疑者便自演暢如來當爲具發遣之是時普
照見聽喜踊尋時問曰何謂菩薩法瓔珞身
何謂菩薩除其望見何謂菩薩超出世法何

謂菩薩遊至世界何謂菩薩親近如來何謂
菩薩不處母胎何謂菩薩生輒神識不有錯
亂何謂菩薩而懷篤信去何謂菩薩不自爲己
何謂菩薩救衆緣苦何謂菩薩法施財施何
謂菩薩分別空義何謂菩薩除其陰蓋何謂
菩薩廣熾法戒何謂菩薩聞法無厭何謂菩
薩遊戲止觀何謂菩薩奉修禁戒何謂菩薩
誓離世法何謂菩薩不處家業何謂菩薩無
著何謂菩薩一坐一起何謂菩薩口密心非
其所問義旨要如是佛言普照善哉善哉乃
問如來如此之義汝今當聽善思念之哉在
心懷無令捨之在凡夫行普照對曰唯然世

尊願樂欲聞聖大之法是時世尊告普照曰
行菩薩道當念十德瓔珞其體身口意法無
說人短於諸同學不興輕慢心平若空亦無
增減棄諸惡趣不加害人視彼衆生如已無
異志得由身所知無盡復以四諦教授衆生
持心寂然今悟使成復以衆智瓔珞妙門訓

化二乘得至所趣勤大乘學觀達諸法修如
來行功勳之德教導以漸不行暴逸自省已
過不譏彼短踰出衆難常愛樂法寂定無亂
蠲除諸疑妄見之事有猶豫者使得時悟不
捨道心所造德本又教他人使不毀誠常以
大哀爲人說經所遊世界不離諸佛宣示禁

誠逮一切智復以照曜瓔珞莊嚴諸佛寶海
道場光明瓔珞靡不周遍悉照三千大千世
界蔽此日月使無光明正使神妙釋梵四王
所有威光悉不復現如來至真難測之光獨
明獨顯無有及者是謂普照修菩薩道十德
瓔珞而自纏裹常念諸佛供養如來嗟嘆聖
教勸化衆生使入道門復告衆生發大弘誓
其所趣向聞佛名号將養萌類願生彼國志
弘大普不懷怯弱深入聖慧不耻下問常樂
微妙所言柔和而無自大好喜隱居除諸貪
疾見有行者代其歡喜以功德力瓔珞道樹
報力心力及乳哺力諸聖所居解脫之力常

以此法育養衆生慈悲喜護不捨衆生護諸
緣者拔去根本觀了三世無去來今善惡報
應都無所生法法自滅法法自生法不見滅
法不見生心無想念無我人壽命亦無往來
無所歸趣復以空法瓔珞諸根吾昔成佛皆
由清淨空無之想自致正覺修行善本不造
諸緣興起善法無放逸行去離世事不處俗
法所可演說流布十方親侍禮拜諸佛世尊
所施清淨捨貪無欲心意鮮潔而無垢穢慧
無邊際眼視通達三礙六塵永已消盡是謂
菩薩法之瓔珞菩薩復當發弘誓心莊嚴瓔
珞智度無極隨其本器而與授法如所聞慧

便能建立應如斯行則不退轉執意堅牢追
從善友所行言教終不虛妄念常恭恪不違
經業心習深智受而不失常專一心念不錯
亂了病深淺後乃投藥意樂忍辱行步審諦
所施財物亦無適莫其意清密而無煩惱學
習根本心不流馳人欲聞法尋常旨示令知
要道設見困厄不自濟者便能惠施自致珍
寶加以善本衆妙之行勸人持戒所聞智慧
成菩薩道假使學人處在梵志復能建立覺
了所生不離忍辱棄捐家業而修精進觀達
無常因緣之本於諸憎愛不興二相所為平
等令衆生類得無所從生法忍常能憑其無

極大哀漸訓勸導弘誓之法施於一切使得
聞知志性寂然知無吾我一心禪思興其智
慧使不斷絕其所施設不離四恩救濟危厄
使至無爲護身口過不犯三事建立至真無
著之法意斷意止真如法性修而不失是謂
普照皆是菩薩瓔珞所建復次普照菩薩復
當思惟校計料度無極行施修誠和顏忍辱
精進寂靜不失意止復以聖明一心定意深
察四諦甘露之道直至無爲無復虛僞是謂
智慧之所瓔珞常當一意純淑其心一切所
有施而不悞開化功勳解空脫門若在行業
訓導垂誠廣接衆生隨順度之而有殊勝仁

和之德曉了時宜若干品類宣其慈心不著
苦樂悲哀一切不避劇難悟彼衆生應正法
教施心滿世護使成就瓔珞光明靡不照曜
普愍一切使濟彼岸正使有人在隱蔽處消
除其闇永使無餘無畏之力愍育一切除其
老病無放逸行道導師所至靡不從教所含如
海聞施他人開化塵勞令無妄想所居之處
如華無著了一切法寂寞清淨其所演教分
別因緣所造德本習而致之愍世哀苦故訓
生類虛空非實亦非真有解知世法如泡如
幻衆生不悟習而不捨雖處居家能離生難
道眼清淨亦如蓮華神德巍巍不可稱計正

使世界衆生之類咸共嗟歎莫知其原是時
世尊重告普照夫坐道行解無去來若見去
來則有想著分別罪福亦無起滅斯皆自然
空無所有相任無主而無本末亦無願求而
可獲者能自校計如此之法是謂菩薩趣於
聖道復當分別三世之法解知無二無我無
人及諸境界空無所有若見有來則是報應
緣起之法無起無滅乃應道教計聲有音音
無形像分別文字斯皆無實一切明達靡不
通暢菩薩瓔珞真實無虛亦無罣礙除去陰
蓋悉無所有若建所施在在所欲設不有建
斯應施度心懷謹慎棄衆不可持此心者乃

應誠律達了諸法自然無住亦無本際勤修
思惟建立處所精進禪思攝身口意慧明自
曜去衆穢行乃應智慧普照復知神通所及
得其報應以其天眼便得徹視皆由修奉施
行禁戒恒順正見無所毀犯修法瓔珞致天
耳聽念行勸助因發道意或復成就識念神
通憶過去世皆悉自然爲生類故積功累德
每自剋責不及彼證懷來神通變化無極捨
諸識著思惟禪定平等無二斯解因緣報應
之果以慧神通消滅衆垢因其三昧究暢聖
法而不一入盡諸有漏不失道意使人修德
加慕世俗布施之德雖有施恩不望其報令

無數人喜樂務法能知一切靡不通暢能使
奉行菩薩之法皆由精進不興懈怠慈愍護
彼一切成就用衆生故不惜身命不貪己身
珍寶之貨所生之處因奉道義前人所求亦
無疑難聞慧信施不有猶豫所行言教悉共
信用如來至真無所罣礙所行寂靜亦無放
逸堅固忍辱而樂閑居復化衆生自責不及
禪思脫門正受不亂恒遊神通以自娛樂復
以無極光明之照適時隨宜分別一切章句
義理消滅諸患無所蔽匿恒常一心開導聖
慧示無數人報應之果衆德具足以勇猛力
不爲所侵解了三世都無所有去來今事無

有增損然後乃應智度無極以能布施自發
道意欲使衆生一切普安自散諸結不患已
身若人杖捶悉以能忍亦化他人今行忍辱
具衆德本加以專心修諸佛教勸諸生類出
家學道自觀德露万物不淨輒厭惡趣功勲
究竟所行善業其心悅豫智慧深遠而不懷
恨篤信禁戒自致善德復以和心慙愧不惑
常御神志不執麁獷思惟地獄湯火之苦歎
天受福無極之樂寂然無憂無復貪欲有所
惠施自去三想心不猗內不受外塵修行道
法衆望休息分別智慧自悟其心空無相願
建立脫門除去顛倒無所傷害是謂普照菩

薩瓔珞心無所著其意平等空無不遍不懷
妄想布施以備調意安詳爲人說法不離空
義慈悲哀一切行不漏失觀其衆生所受法式
知其志性而開化之在所遊處導爲一切遵
修聖明而現道義無極大哀開度餘人亦以
善權方便之力入諸外道異學之中隨彼法
則順從祠祀觀其志趣使得度脫今諸梵志
興福無量或在惡部盜賊之中將導牽致而
顯其行緣此化度無數衆生於古世功德
以備見皆以喜悅莫不恭敬爲雨甘露道法
之味除去衆生瞋恨之結若復前人以若干
惱而來犯之不以獸患而爲班示寂然之法

知其所興非真非實如是普照菩薩所修心
意瓔珞而遊其中常樂於此不見所樂樂無
所樂以真法性而娛樂之明知衆生根本所
趣救濟使度無衆塵勞危害之患永使無餘
執御其心平等如空分別四大所興起滅欲
化衆生而訓誨之所說真正無有憎愛降棄
一切邪見之心堅心瓔珞堅固之幢若干法
品而與共戰猶如勇猛大軍之將降伏外敵
使入法律若入習俗施設法教施便受報持
戒生天所造之德皆有報應以此濟之今至
無爲夫爲菩薩自順瓔珞心初未曾隨惡友
語然後乃全大士之行意懷清白終無吾我

持心如山行無缺漏智遍一切猶月初照若
在大衆無能及者是謂普照菩薩瓔珞周滿
一切覺了虛寂空無所有所生之處恒見光
明所聞輒解至成佛道常念頌宣根門之要
自建立業無所侵害覩見本性自然起滅過
世八法無所罣礙身口心意未曾有欺復以
權慧救濟衆生窮厄之士令其飽足持心如
地不犯三過日進其道不行放逸逮不退轉
牢固之心不起法忍而現在前十力無畏覺
道正觀捐棄吾我及人壽命分別思惟有無
之法感動變化無量佛國斯由神通而得自
在菩薩所宣言辭瓔珞超越諸見無復希望

心向正道亦無顛倒辯才無礙而無流滯周
旋往反不生想著蠲除一切諸縛結使憍慢
自大永滅無餘其聲其響如師子吼亦如雷
震無不聞聲永立究竟乃至滅度發於無極
瓔珞之雲演法雷吼法鼓電光雨解脫味宣
七覺意念法清淨不離三寶心如明月亦無
沾汙通達往來不除正業具足衆相殊勝之
法是謂普照菩薩瓔珞而無窮盡上中下善
中間通利懷來照曜不失禁誡過去當來諸
恒沙聖靡不嗟歎斯菩薩德如是普照賢聖
道品妙法之藏珍寶之門而不可盡

菩薩瓔珞經識定品第二

尔時座上寶王菩薩即從座起長跪叉手
前白佛言唯然世尊菩薩所習意識瓔珞多
所開悟靡不蒙度如今十方恒沙如來及去
來今諸滅度者云何修學瓔珞戒品使至彼
岸令衆生類普聞香勲尔時世尊告寶王曰
諦聽諦聽善思念之吾今爲汝敷演其義喜
薩自行戒品瓔珞功德香勲自瓔珞身寶王
對曰願樂欲聞世尊告曰奉導道法乃修戒
定解脫之慧勸衆生類篤信於戒願其志性
各充所願曉了隨宜不失本誓兼除一切愚
惑之心嚴淨道場具衆品宜不以鹿獮使經
其心志常慕及一生補處揔持正法深遠之

藏意恒遊戲百千三昧感動變化無以爲喻
一切万物悉皆無常難得之寶不可恃怙行
權方便而無所住衆生心惑不解正道心著吾
我不明無常菩薩誓心爲分別說了一切空
虛而不真雖崇大道不捨二乘所遊之刹莫
不不慶轉加精進倍行道業於諸經法去其
妄想菩薩法要不離十地以次上位不越其
叙加以智慧消衆塵勞不及道者自致道門
恒念剋責意自念言施爲是誰受者何人如
觀財寶皆無有主設有毀辱當自制意後自
受報端正殊妙所遊之處見莫不歡若見貧
匱裸形體者躬自入海致如意珠誘以正法

今知反覆以甘露法消竭衆難念不馳決是
故寶王菩薩道果之所瓔珞意得自在復以
勇猛大力之教建立訓導莫不隨順若行若
坐不離十念心在三尊未曾忽忘了知地獄
苦痛之惱至心寂靜去塵勞垢衆惡不犯無
能迴轉應於正理奉修禁法德光普照皆蒙
潤澤自計所有無所貪悋施佛衆僧不興想
者或以權慧與國王交接輒能使王捐棄高
位若有人來求索頭目眼耳鼻口即能惠施
不逆人意介時座上一切弟子諸菩薩等聞
此功勳瓔珞之德踊躍歡喜不能自勝思惟
深邃善心生焉各自興敬僉共供養散衆名

華若干珍寶一時同聲稱歎其德我等宿福
而遇善利乃聞殊妙瓔珞之訓若當衆生聞
斯法教勸發菩薩識定之要諸福功勳不可
稱量安住所演諦而不虛設有菩薩遭遇此
識定瓔珞者觀了諸法解無處所識定瓔珞
者神心澹然不復貪食樂念爲食所可勸助
興致福業吾於昔佛上五百華建志弘誓自
致成佛道果不朽興隆正法復以禁戒消除
衆垢救彼衆苦如救頭然令衆厄難必得濟
度自念往昔入海求寶遭摩竭魚及水形山
吾爲導主入識定瓔珞尋有善神將示好道
快樂安隱還至本邦斯由願誓精進不退入

禪正受無若干想諸佛世尊之所遊堂勸使
衆生生於梵天及無想天皆是識定瓔珞所
致若在人間十方國土隨俗染化講度世道
復以十善諸道果證利益衆生令達空慧宣
示一切不違聖教解知本空都無所造所植
德本不自爲已皆使獲於道法之果設法傾
沒能爲重任若遭苦惱永無憂感亦無妄想
識著心者將養身口使不漏失以權方便深
入生死爲說八解正受昧味建立世俗慕崇
佛道或演一教或若干品趣令引入在聖賢
律漸漸牽示而滅度之能令正法住若干劫
有餘衆生令至無餘寂然涅槃無生老死受

形之患不依四大地水火風諸在邪見愚惑
之部示以正見一道之法若在閑處修十二
法勤苦之行燕坐樹下而無所倚思惟禪法
唯空爲務一心靜定而無謬錯菩薩識定瓔
珞之寶亦不念色有相無相自虛寂種好
亦亦分別内外了之爲一三世空寂無去來
今以識定心復觀五陰性諸衰持入爲從何
來復從何滅一一分別知爲巧僞非有生滅
不興惓望亦復不見有是有非不因心意得
發道教識興則興識滅則滅不見想像亦無
我想亦復不著住立處所内外六塵亦復如
是計校耳目尚無所有何況當有見聞之事

此則不然寶王當知菩薩瓔珞心識定法不起不滅亦無終始緣起則起緣滅則滅起不見起滅不見滅內自思惟增減之意無苦樂想所以然者離吾我念雖復在欲衆惱之中心無染著以遠三界欲色無色意如金剛不可沮壞知本宿命究竟根原而斷諸結不以

爲難不見有極不見無極是謂菩薩識瓔珞定隨世訓誨恭奉尊長不望其報於百千劫勤修精進具足成就道慧之法宣諸菩薩平等持念諷誦通利啓受不妄如來法身五分之性一一班暢言跡不飾語常含笑心無所著不起斷滅二見之想若在大衆亦無適莫

於空無法亦無想念內實充滿外現諮受亦
不生意我行過量彼有短乏離諸利養無所
希望常自思惟知身無主從頭至足達了本
無修行六度解無處所校計諸法悉是假号
知無形質一切諸法不可覩見分別音響亦
無所聞如是寶王菩薩大士修法瓔珞識定
法者見善不喜聞惡不感然後乃應精進瓔
珞入百千定恬然無想天雷地震龍電霹靂
山崩水漂師子鳴吼心意寂定永無錯亂或
時菩薩入定正受乃經一劫及百千劫形體
軟美不復仰食斯由定意禪悅爲食八解爲
漿或時菩薩復以神足而入三昧其三昧名

号曰普照見於東方江河沙刹諸佛國土禮
事供養不失威儀如是南方西方北方各江
河沙諸佛國土悉能供養諸佛世尊演暢思
惟識定瓔珞如是寶王菩薩入定所感如是
且捨十方江河沙刹一一諸刹滿其中塵復
舉一塵著諸佛刹斯塵猶盡佛土難量菩薩
三昧皆悉覩見一切衆會亦聞彼佛演說瓔
珞神識定意了諸法本虛寂無主從初起學
乃至道場思惟發意瓔珞道樹悉過諸縛婬
怒癡病其心堅固不可移轉正使天魔將衆
億姪欲來毀壞識定意者終不爲彼之所屈
還不爲邪部而見錯誤意如海靡不容受

衆德瓔珞悉爲成辦恒講無常苦空非身常
非有常豈有身耶諸計常者則離定遠墮于
生死不能自濟菩薩所修唯務於道其心恬
然永無衆想不離諸佛所造德業意如太山
不可移轉獨步世界而無所畏以四智辯苞
內諸法指示衆生知道慧要內實質直而無
諛諂所以然者用本淨故旣無衆垢諸冥消
索慧光普照莫不蒙澤心大弘廣而無邊崖
沐浴意穢今使鮮明隨世所好悉能成辦詣
佛樹下自修法義於一切法不有狐疑於諸
愍智具足成就順諸所聞救濟甚知瓔珞定
意拔濟亂者及諸所習常得寂定修行賢聖

八道之品立一切人使見正諦是謂寶王菩薩
識定瓔珞之要若有聞持在于懷者未曾
遠離諸佛世尊得不退轉於無上正真之道
佛說是識定瓔珞時於座上有無量億百千
天龍鬼神人與非人皆發無上正真道意復
有異方菩薩六十二千人得不起法忍復有
八千清信士女遠塵離垢得法眼淨五千比
丘漏盡意解九万天子離諸貪欲

菩薩瓔珞經莊嚴道樹品第三

尔時世尊告諸賢者吾昔無數阿僧祇劫積
功累行修清淨法坐卧經行不捨四等一時
一行一念之頃修乎十法云何爲十一者從

堯術天降神下生盡見十方無數佛刹見諸
菩薩一生補處皆詣道樹修淨瓔珞當舉右
足欲詣道場慈愍衆生三千大千刹土皆悉
震動菩薩自念吾昔誓願今日已辦當壞魔
界莊嚴佛土是謂菩薩摩訶薩大慈瓔珞進
趣道場心不退轉二者盡見三千大千世界

菩薩大士心識所念又入定意三昧不乱或
見菩薩於空成道或見閑靜樹下之處或入
水火空界三昧莊嚴道樹不離大悲是謂菩
薩摩訶薩大悲瓔珞進趣道場心不退轉三
者菩薩摩訶薩普見三千大千世界進趣道
場不捨喜心吾今成佛必然不疑以我法本

普潤一切悉與衆生同黃金色三十二相八十種好無央數衆前後圍遶壞魔羅網成已國土是謂菩薩摩訶薩修喜瓔珞心不退轉四者菩薩摩訶薩欲趣道場詣佛樹下盡見十方阿僧祇刹土一生補處菩薩大士盡修護心莊嚴道樹令無數衆生同已護心不捨一切瓔珞定意是謂菩薩摩訶薩進趣道場護心正受心不退轉五者菩薩摩訶薩復見十方無數刹土一生補處菩薩大士皆轉法輪不退轉行法無言說亦無形貌一相無相空界無形空猶無空況有法界是謂菩薩摩訶薩瓔珞空無無形之法六者菩薩摩訶薩

普觀十方恒沙刹土通慧衆生諸根淳淑意
向三乘不捨法忍慈悲喜護行六重法四無
礙慧一向道忍自知受決亦復見他授其決
者或授羅漢辟支佛決菩薩自念吾從無數
阿僧祇劫捨身受身皆是幻化非真實法今
得受決進趣無上正真之道成最正覺遊空
往來無所罣礙一時一處得摠持定諸佛所
嗟苦習盡道此苦非苦苦由何生解苦無苦
乃應明慧習由愛興愛本無形亦不可見生
本無生況復有滅衆生愚惑從起更樂習是
得是解習無習乃應明慧諸法無生爲磨滅
法盡者無生亦不有盡諸法無盡衆生愚惑

謂盡非盡於中興想莫質諸法盡者實盡是
謂明慧道無相貌非眼境界之所能見八直
平正坦然無礙是謂明慧是謂菩薩摩訶薩
進趣道樹心不退轉七者菩薩摩訶薩盡觀
三千大千刹土衆生根原高下大小或與如
來心識同趣本行共合智無增減大慈大悲
瓔珞其身布施持戒忍辱精進禪定智慧善
權方便十六妙行百千揔持其心曠大不爲
偏狹雖見羅漢辟支佛行心無染著不從彼
受是謂菩薩摩訶薩莊嚴道樹心不退轉八
者菩薩摩訶薩修行八百揔持法門德行法
門菩薩得此法門者衆行具滿莊嚴道樹復

有普忍法門菩薩得此法門者普潤一切雨
甘露法復有無相法門菩薩得此法門者盡
入空行不退轉地復有音響法門菩薩得此
法門者八等行具不聞異音復有身行法門
菩薩得此法門者身行清淨不造衆惡復有
口行法門菩薩得此法門者不作四過無他
惡行復有意行法門菩薩得此法門者意不
馳想寂然滅盡復有無念法門菩薩得此法
門者入滅盡定觀了無形復有究竟法門菩
薩得此法門者從此岸得至彼岸復有無著
法門菩薩得此法門者於生死法不起染著
復有無礙法門菩薩得此法門者通達往來

不滯生死復有應聲法門菩薩得此法門者
隨行進趣不譏彼受復有神足法門菩薩得
此法門者變化自由禮事諸佛復有清淨法
門菩薩得此法門者淨於智慧無國土想復
有空行法門菩薩得此法門者解知諸法虛
偽不真復有幻化法門菩薩得此法門者觀
了衆生權詐合數不可摸像復有無形法門
菩薩得此法門者衆生根原不可究盡復有
道種法門菩薩得此法門者修三十七道品
不斷復有意止法門菩薩得此法門者觀內
外身念念不斷復有意斷法門菩薩得此法
門者觀察諸法無若干想復有神足法門菩

薩得此法門者住壽無數阿僧祇劫復有諸
根法門菩薩得此法門者道慧甚深牢固無
礙復有神力法門菩薩得此法門者安處諸
法不可沮壞復有覺意法門菩薩得此法門
者以覺意華不爲塵垢之所汙染復有道品
法門菩薩得此法門者入定無礙心不錯亂
復有空慧法門菩薩得此法門者安處衆生
永離欲怒復有無相法門菩薩得此法門者
使衆生類懷來道故復有無願法門菩薩得
此法門者教化衆生除去願求是謂菩薩摩
訶薩八百揔持略說其要進趣道場莊嚴佛
樹心如金剛不可沮壞九者菩薩摩訶薩觀

此三千大千世界一足二足三足四足至無
數足有愛欲心無愛欲心有瞋恚心無瞋恚
心有愚癡心無愚癡心有苦樂心無苦樂心
一時一起一念之頃皆能分別爲說苦空無
我人想是謂菩薩摩訶薩行無想定進趣道
場莊嚴佛樹十者菩薩摩訶薩復觀三千大
千世界當來過去現在之心諸根寂靜行應
無上正真之道是謂菩薩摩訶薩進趣道場
莊嚴佛樹佛復告族姓子菩薩摩訶薩初舉
右足行第一步於其中間修行十法進趣道
場莊嚴佛樹云何爲十一者菩薩摩訶薩當
舉右足蹈地之時自稱名号三界至尊過佛

恒沙皆行七步當來諸佛亦皆當然吾今現
在出現於世三界獨尊亦無等侶諸佛標拭
不可漏脫是謂菩薩摩訶薩進趣道場莊嚴
佛樹復次菩薩當舉右足蹈地之時便作是
念吾今已逮不退轉地亦使衆生同我所趣
不捨弘誓曠大之心是謂菩薩摩訶薩莊嚴
佛樹進至道場復次菩薩初舉右足蹈地之
時復作是念過去諸佛先行是法當觀一生
補處菩薩紹吾處者名号是誰即自右旋願
謂彌勒卿後如我成佛不久百千天人聞皆
欣然異響同音稱善無量快哉世雄佛種不
斷當於尔時十一那術諸天人民見授彌勒

印封皆發無上正真之道是謂菩薩摩訶薩
莊嚴佛樹進至道場復次菩薩初舉右足蹈
地之時便作是念吾今已逮衆智自在神慧
無礙辯才通達斯等衆生久抱狐疑沒溺塵
垢不求度脫吾今當以智慧之火焚燒心中
狐疑之叢是謂菩薩摩訶薩莊嚴佛樹進趣
道場復次菩薩初舉右足蹈地之時便復念
言吾今已得無爲解脫當復接度有爲解脫
過去恒沙諸佛世尊皆悉同我無爲解脫當
來諸佛亦獲此法快哉福報不有斷滅妄想
已盡無所貪求是謂菩薩摩訶薩進趣道場
莊嚴佛樹復次菩薩摩訶薩初舉右足蹈地

之時復生此心衆生永處邪見顛倒不覩三
向空無之慧我今當演護心清淨無覺無觀
法性虛寂知慙知愧衆行之本苦空非身無
人無壽當以此心普覆一切是謂菩薩摩訶
薩進趣道場莊嚴佛樹復次菩薩初舉右足
欲趣浴池瑠璃水精七寶園觀鳥鴈鴛鴦異

類竒鳥諸天尊從不可稱量我今露形乃非
其宜設當入城村落人衆謂爲裸形不知慙
耻宜求袈裟以障于體時有天子名曰福蓋
即知菩薩心中所念尋奉八万四千金縷織
成袈裟菩薩自念過去諸佛法服云何進趣
行來斯用何法虛空神天义手白言過去諸

佛皆著織成金縷袈裟亦如今日諸天所獻
菩薩即受八万四千織成金縷袈裟以道神
力而合爲一袈裟著體三十二相八十種好
盡皆外現斯由曩昔施無想報行度無極是
謂菩薩摩訶薩進趣道場莊嚴佛樹復次菩
薩舉右足時便生此心衆生若干性行不同
吾今當以智慧光明普照三千大千世界即
放頂相光明普照十方諸佛刹土衆生之類
見光明者悉來雲集詣忍世界奉事如來香
華供養威神所感使今天地六反震動是謂
菩薩摩訶薩進趣道場莊嚴佛樹復次菩薩
當舉足時心自生念生分已盡更不受胎三

界獨尊無有儔匹當号爲佛如來至真等正
覺十号具足十方刹土諸佛世尊各各於其
國土告四部衆天龍鬼神輒沓愁阿湏倫迦
留羅緊陀羅摩休勒人與非人今日忍界釋
迦文佛出現于世衆相具足如星中月福度
衆生天人蒙祐有欲興敬供養彼佛宜知是時
尔時十方諸佛世界神通菩薩辯才具足得
摠持門千七百七十七億那術衆皆來雲集
詣此忍界興致供養華至于膝復有八十万
姪天魔波旬皆詣忍界興致供養給事菩薩
復有百千億姪神力龍王各各七首獻奉香
湯浴洗菩薩斯由曩昔口演甘露無厭足法

是謂菩薩摩訶薩進趣道場莊嚴佛樹復次
菩薩內自生念衆生著有迷惑來久設聞空
無虛寂之法意懷恐懼衣毛爲豎佛法深奧
不可思議漸當以次說道根原分別衆生根
原所由玄鑒三世生法滅法除去想著無貪
惓心從無數劫積行以來所以不得道者皆
由恩愛吾今當除恩愛剋本拔濟衆生安處
無爲是謂菩薩摩訶薩進趣道場莊嚴佛樹
如是族姓子菩薩大士降神出生墮地舉右
足於其中間思惟十法莊嚴道樹亦不退轉
復次族姓子菩薩初生時墮地行七步欲趣
金杻次舉左足內自思惟諸佛世尊句義無

量道法淳粹應度無極無起滅法行無生滅
不可思議非是羅漢辟支所及道當一意多
念非道道當少欲多欲非道道當知足多求
非道道當正見邪見非道是時菩薩復作此
念過去諸佛所行正法爲何謂耶復作是念
過去恒沙諸佛世尊出現於世以神足力現
身威德十根本義不可思議云何爲十於是
族姓子菩薩達士先舉左足遍滿三千虛空
境界不燒衆生無覺知者其有衆生覩足相
輪皆發無上正真道意斯由曩昔禮敬之報
是謂菩薩摩訶薩進趣道場莊嚴佛樹復次
族姓子今時菩薩左足蹈地心自生念古昔

諸佛說法云何分別句身義味云何過去諸
佛世尊進止行來威儀法則以一句義演出
無量諸佛法藏從劫至劫乃至百劫不能究
盡一句之義如來秘要不可思議非是小節
所能測度是謂菩薩摩訶薩進趣道場莊嚴
佛樹佛復告族姓子菩薩今時放一毛孔光
明遍照無量諸佛刹土於光明中演說六度
平等大法空無相願不起法忍亦使衆生畢
志堅固皆發無上正真道意是謂菩薩進趣
道場莊嚴佛樹復次族姓子菩薩今時內自
思惟吾今當以三昧正受普遊虛空諸佛法界
今時菩薩即入無形想定意遍遊虛空諸佛

法界左右翼從天世人莫覺知者謂爲菩薩進趣金杙是謂菩薩摩訶薩進趣道場莊嚴佛樹復次族姓子即化一形遍滿三千大千世界復還如故衆生之類無覺知者是謂菩薩進趣道場莊嚴佛樹復次族姓子菩薩今時慧明之光遍照三千大千刹土一一光中皆出音聲今日釋迦文佛如來至真等正覺於閻浮利地當轉法輪度未度者福利衆生名稱遠布是謂菩薩進趣道場莊嚴佛樹復次族姓子菩薩今時一念之頃令十方界諸佛世尊各各舒手扶接菩薩一切衆會皆悉見之是謂菩薩進趣道場莊嚴佛樹復次

族姓子諸佛法藏深奧難測吾當以次布現
三乘緣覺聲聞菩薩之道聞法覺悟終不中
滯是謂菩薩摩訶薩進趣道場莊嚴佛樹復
次族姓子過去三世諸佛世尊吾今欲成無
爲大道皆當證明令我成道諸佛稱善皆在
前立汝從阿僧祇劫苦行無數布施持戒六
度具足國財妻子無所吝惜今當成佛廣度
衆生我等扶接上至成佛不使中住是謂菩
薩摩訶薩進趣道場莊嚴佛樹復次族姓子
菩薩分別過去現在未來空無相願亦是諸
佛所應行法從初發意乃至成佛要當修習
三向諸道四等大慈八無礙道瓔珞其身是

謂菩薩摩訶薩進趣道場莊嚴佛樹佛復告
族姓子菩薩次舉右足當蹈地時當具足此
神足十慧不可思議云何爲十有神足慧名
曰無著菩薩得此慧者盡遊諸佛深要法藏
是謂菩薩摩訶薩進趣道場莊嚴佛樹復有
神慧名曰無形菩薩得此神慧者入無猷定
意諮受十方諸佛言教復有無二神慧菩薩
得此神慧者勸進衆生成無上等正覺不取
聲聞辟支佛道復有虛空神慧菩薩得此神
慧者盡觀世界空無我人復有無相神慧菩
薩得此神慧者演暢諸法解一相無相亦無
生滅著斷之法復有空觀神慧菩薩得此神

慧者見諸佛土成者敗者如掌觀珠復有弃
壽神慧菩薩得此神慧者觀壽緣報捨形受
形復有無言說神慧菩薩得此神慧者說法
無法想亦無若干念復有無近遠神慧菩薩
得此神慧者不見諸法窠窟遠近復有無生
滅神慧菩薩得此神慧者分別十二因緣根
本生者滅者悉無所有是謂菩薩摩訶薩十
神足慧進趣道場莊嚴佛樹佛復告族姓子
菩薩初生舉左足時復當具足十業無量究
竟云何爲十於是族姓子諸佛如來之所修
行如來降形出世教化分別三世十二牽連
三界五道塵垢縛著沐浴諸結永無塵暄是

謂菩薩修第一業進趣道場莊嚴佛樹復次
族姓子如來出世化諸衆生安處三乘隨其
所願或有衆生意趣羅漢不向佛門或有衆
生習緣覺行不趣佛道或有衆生修無上道
不向聲聞緣覺辟支或有衆生退於佛道志
慕小乘

今時菩薩誘進前人逮成無上正真之道或
有衆生在凡夫地不求方便上及三乘菩薩
勸進成三乘道是謂菩薩第二之業進趣道
場莊嚴佛樹如來出世布現言教以權方便
適化衆生荷負重擔爲人重任或與衆生現
作父母兄弟朋友或現國師尊長道士或現

大富長者神力鬼王周給貧困惠施七寶聞
說道教成三乘果是謂菩薩修習三業進趣
道場莊嚴佛樹如來出世轉無上法輪不失
四辯觀察人心授十善行分別演暢苦習盡
道或生迷惑沒溺三界行權拔濟永離生死
是謂菩薩修第四業進趣道場莊嚴佛樹如
來世尊出現於世恒以大悲加被衆生如母
愛子心不捨離譬如龍王伊羅鉢多羅住於
須弥金福山邊七寶宮殿與諸龍女共相娛
樂若欲往至雨忉利天宮興致供養化身七
万由延三十二頭一一頭者邊有七牙一一
牙上有寶浴池一一池中生七百蓮華一一

蓮華七寶玉女共相娛樂作倡妓樂彈琴鼓
瑟音聲不絕復雨七寶乃至於勝菩薩大士
亦復如是以四等心加被衆生雨七覺意無
窮法財隨其志趣皆成道果是謂菩薩修第
五業進趣道場莊嚴佛樹如來卅尊以權方
便隨時適化可行知行可坐知坐可言知言
可默知默遍入衆生心識所念隨病療救不
使增減普令永覩無爲之岸是謂菩薩修第
六業進趣道場莊嚴佛樹復次族姓子如來
出世化道衆生不自爲身爲一切人故經百
千劫代彼受苦不懷厭倦安覩佛慧成無上
道是謂菩薩修第七業進趣道場莊嚴佛樹

諸佛興出不壞法界法性自尔亦非自尔如
尔真際亦不有壞非不有壞修而不懼亦不
恐畏是謂菩薩修習八業進趣道場莊嚴佛
樹如來出世當復具足一相無相彈指之頃
於過去未來現在法中出生三世諸佛世尊
實而不異亦不變易是謂菩薩修第九業進
趣道場莊嚴佛樹如來出世慈愍衆生以一
日之數令三世爲一劫其中衆生無覺知者
是謂菩薩初生墮地初舉右足修行十業進
趣道場莊嚴佛樹佛復告族姓子菩薩初生
墮地行七步於其中間復當思惟十法降伏
外道壞魔羅網諸天侍衛進趣道場莊嚴佛

樹乃至滅度終不捨離云何爲十於是族姓
子先當降魔身被慈仁之鎧手執慧劍善權
前道頭戴無畏華鬘摧却憍慢之衆永除貢
高是謂族姓子先當修此第一難得之法復
次族姓子復當思惟玄妙廣義斷漏取證攝
彼外道而爲上首加以神足神力無量設彼
現一我當現二趣使邪部安處正見是謂族
姓子菩薩當念修此第二難得之法復次族
姓子菩薩大士化度衆生受法歡喜必至堅
固不趣餘道是謂菩薩修行第三難得之法
復次族姓子諸佛世尊恒所行法日夜四時
觀察衆生彈指之頃周遍十方恒沙刹土周

而復始不著三界是謂菩薩修行第四難得之法復次族姓子行無礙智遍滿三千大千世界雖度衆生不見有度是謂菩薩修習第五難得之法復次族姓子菩薩大士以神足力遍遊十方恒沙刹土遍觀衆生心識所念或以一身化百千身還合爲一無覺知者是

謂菩薩修行第六難得之法復次族姓子菩薩思惟四無礙慧亦非羅漢辟支所修亦非天龍鬼神八部之衆所能及逮是謂菩薩修行第七難得之法復次族姓子如來神力不可思議十方無量諸佛刹土入一塵孔周旋往來無有罣礙還復如故無覺知者是謂菩

薩修行第八難得之法復次族姓子如來至
真等正覺得四辯才無生滅智遍滿三千大
千世界是謂菩薩修行第九難得之法復次
族姓子諸佛世尊行無盡法門覆蓋衆生十
力無畏十八不共諸佛之法是謂菩薩修行
第十難得之法進趣道場莊嚴佛樹

佛說菩薩瓔珞經卷第一

忘

苞

必交反
含也

荊

并列反
受記也

滂

滴字同

颶

蒲末反

愁

音和

居

上於見反
安也

翅

施智反

晃

胡廣反
光明自

積

子智反

玟

聚也

珞

上音交

廁

初使反
間雜也

狐疑

上音類

踰

音逾

越

希望

下音

鈍

徒困反
不利也

戢

阻立反

聚

音聚

踰

音逾

越

蠲

也反

降

蔽

必祭反
掩也

乳

哺

下音或

作

舖

非也

恪

音恪

各

苦

也反勤 **適莫** 親上音的 謂也 無 **憤** 煩亂也 反心 **棄**

捐 上音弃 下音緣 純泚 下音熟 恪 良刃反 劇 音逆 反煩

匿 隱 力反 **杖捶** 下之委 反 **德露** 上烏 反 **鹿獷**

下俱猛 **猗** 於離 反 **祠祀** 上音詞 下音也 **娛** 音愚 反 **敵**

徒的 反 **滯** 直例反 止 **恃怙** 上音市 下音戶 **貧匱**

下求位 反 **裸** 胡瓦反 又 **洸** 下反 遠 雖遠反 深 **僉** 或也

澹然 上音淡 憂感 下倉 謬錯 上苗幼反 偽 危瑞 混

壞 上才 呂反 毀 非 **飭飾** 二同 恬然 上徒 添 霹靂

上浦 覓 反 下音 **漂** 疋 搖 姪 古哀反 **諭諂** 上正

音 **甚** 息 淺 反 **鞅** 央音 賀 莫候反 **偏夾** 上必 展 反

下必 夾 **摸** 反 莫 胡 **蹈** 音盜 標式 二字 謂舉 其 **溺**

反 **藁** 草自紅 反 **身** 音力 似 **曩** 刀黨 反 **疇**

匹 上直流反下正 字 一 等類也 **脊** 上唐合反 **想** 下音和 **奧** 鳥告反 **深**

刺 上昌賜反 **本** 上七 **机** 居矣反 **嬈** 一音鳥反 **弄** 也 **測** **度**

上 徒各反 **窠** 又苦和反 **櫟** 助交反 **窟** 居也 **暄** 一計反 **誘**

音 酉 **倡** 上音昌下渠 **妓** 倚反 **樂** 女也 **瑟** 音風 **嶺** 音苦亥反 **甲** 也

鬪 莫班反 **摧** 慈催反 **瓔** **珞** **經** **一** **卷** **忘**

瓔珞經一卷 忘

